

『日本三代實錄』32 元慶元年十二月廿一日丁亥条

廿一日丁亥。於内裏始修佛名懺悔之事。是日。令大宰府。量唐人駱漢中并從二人衣糧。入唐求法僧智聰在彼廿餘載。今年還此。漢中隨智聰來。智聰言曰。漢中是大唐處士。身多伎藝。知其才操。勸令同來。不事躁求。獨取艱澁。願加優恤。以慰旅情。詔依請焉。美濃備中兩國供奉大嘗會悠紀主基。仍免當年庸米。詔以正稅。充神宮寺并諸家封戶庸。是日。太政官左右弁官史生等卅一人叙位一階。先是。史生等言。今年四月十六日詔書曰。内外文武官主典已上賜爵一級。太政官左右弁官史生。名雖番上。實是々々。望請因循先例。預一階之恩。是日。詔聽之。能登佐渡兩國並始置檢非違使各一人。帶劔把笏。